

Premio Mayor di un Año Gratis di Coriente di ELMAR pa e Ganador di Tumba y Tumba Loco

Pa sostene cultura, ELMAR ta apoya e Festival di Tumba y nos ritmo di tumba. Contribuyendo cu e premio mayor pa e ganadornan di Tumba y Tumba Loco: un año gratis di coriente, como un manera di celebra y apoya e tumbero y e genero musical tumba. Esaki ta e segundo año consecutivo cu ELMAR ta contribui cu e premio mayor, mustrand su compromiso cu e Festival di Tumba di Aruba y SMAC.

ELMAR kier invita henter Aruba pa asisti na e Festi-

val di Tumba riba diasabra 1 di februari na Balashi Beer Garden, cuminsando for di 8or di anochi. Bin apoya y celebra nos cultura durante e gran Festival di Tumba! Festival di Tumba ta un evento cu cada año ta reuni nos tumberonan pa celebra nos herencia cultural. E ta un honor pa ELMAR ta e patrocinado principal di e Festival di Tumba pa e tercer año consecutivo.

ELMAR ta desea henter Aruba un temporada di Carnaval dushi, sano y sigur. Den ritmo di tumba, sinti e energia!



A\$AP Rocky su ex amigo y acusador ta bisa cu tensionnan tabata halto den momentonan prome cu a los tiro

(AP) - A\$AP Rocky su acusador, ex amigo y testigo clave a duna su testimonio diamars cu nan relacion tabatin hopi tempo tenso, y a explota dianan prome cu Rocky supuestamente a dispara den su contra.

Rocky, e rapper y partner di Rihanna, a declara su mes inocente na dos cargo di agresion cu arma di candela semiautomatico. "E ta famoso," Relli a bisa hurado diamars. "Ami no ta niun hende."

Relly, ken su number real ta Terrell Ephron, a describi con su persona y Rocky, naci Rakim Mayers, tabata parti di e mesun colectivo di creador y emprendedor aspirante na New York cu tabata yama nan mes A\$AP.

Nan tabatin un amistad cercano pa varios año, mientras cu Rocky a haya fama y Relli a drenta maneho di musica.

Relli a conta cu nan tabata manera ruman y tabata wak otro tur dia, "te ora cu el a bira famoso." Despues, segun e ta conta, e no tabatin tempo pa su amigo.

"Semper tabata asina. E ta hopi dificil pa tin un relacion cu Rocky, e ta gana hopi," Relli a testigua. "Mi tabata yam'e e homber di 6 luna. Mi tabata wak e cada 6 luna. Ora cu e tabata bin e tabata falso. Ta pa kico nos ta den e cos aki yama A\$AP?"

Relli a bisa cu e ultimo cos cu



e tabata kier haci ta pleita cu un persona asina prominente manera Rocky, pa motibo cu su carera "lo caba. Literalmente bo no tin un carera."

Aunke Relli a cuminsa papia keto y insigur na comienso, poco poco el a cuminsa tuma un tono mas fuerte ora el a describi momentonan prome cu e confrontacion a tuma luga na Hollywood, unda ambos tabata riba un trip separa. Rocky a keda wak Relli sin kita s mirada durante e testimonio.

Relli a scucha Rocky ta bisa yen di palabra ofensivo contra un persona mientras e tabata den un SUV cu un amigo mutuo e dia prome. E telefon tabata riba speaker, algo cu Rocky aparentemente no tabata sa.

Procurador di Distrito Paul Przelomiec a pidi'e pa lesa un

serie di mensahenan di texto cu Rocky a manda dia 6 di november 2021.

Ambos a keda di acuerdo pa topa y Relli a bisa cu el a pensa nan lo discuti pero reconcilia. El a bisa cu aparentemente rocky tabatin otro ideanan. Fiscalnan a acusa cu Rocky a saca un arma di candela y a dispara dos biaha contra Relli, ken ta bisa cu e balanan a raspa su knuckle.

E defensa ta argumenta cu Relli tabata e agresor y Rocky a dispara un arma pa separa un pelea entre su persona y otro miembro di nan ekipo. Nan a bisa cu Rocky tabatin e arma cual solamente ta dispara loka ta yama 'blanks', pa seguridad.

Prome cu a trece hurado den e sala, defensa a revela cu nan no tin e arma di candela.

ria pa haya placa.

Anteriormente diamars, e defensa a examina un agente cu a responde na rapportnan di un tiroteo tocante e ausencia di evidencia na e escena.

Tacopina a puntra "no tabatin señal cu un tiroteo a tuma luga?" na cual Sgt. Thomas Zizzo a contesta "no." Tambe a puntra si no tabatin sanger na e escena, buraco causa pa un bala of evidencia fisico cu un tiroteo a sucede, tur na cual Zizzo a contesta cu no. Video di Zizzo su camara a ser pasa den corte y por a wak 7 oficial cu a busca den e area y escena di e incidente pero no a haya nada. Den su testimonio diabierna, Zizzo a bisa cu mientras cu polis a busca cautelosamente, ta existi e posibilidad cu nan "no a ripara algo."

Rihanna, ken ta pareha di Rocky y mama di su dos yiu homber, no tabata presente den corte. Rocky su abogadoonan a bisa cu un aparicion no ta probabel pero si posibel.

